



Richard.
Lip. Green.

Calissiensis Collegii Sui Jean Serinui applausus

PANEG. et VITAE
Polon. Fol.
N^o 1100.

SECUNDI APPLAVSVS
EMINENTISSIMO
CELSISSIMO
REVERENDISSIMO
MICHAELI

S. R. E.

CARDINALI
RADZIEIOWSKI
ARCHIEPISCOPO
GNESNENSIS

Sedis Apostolicæ Legato Nato
Regni Poloniarum & M. D. Litvaniæ
PRIMATI PRIMOQUE

P R I N C I P I

*Ab Urbe Septicollis, ad suam Metropolim
Septicollis Gnesnâ illustrem*

R E D V C I
Congeminati

A COLLEGIO CALISSIENSI SOC: JESU

Anno Salutis redditæ M. DC. XC.

DC. XC. 19.
Perillu et Ladiu. Officiu Ladiu

I.

*Non modo Sarmaticos Colchis Tua ditat Iberos.
Fit locuples meritis integra Roma Tuis.
Cum tanta fame Lechicus non sufficit Orbis;
Grande Tuum Sidus tollat uterq; polus.*



II.

*Se quamvis AGNUS, pretiosa Colchide pascit,
Quamvis Gnesnensis pascua floris habet:
Pergit, ubi Latiam Tyberinus respicit Urbem.
AGNUS amat Campos hos, ubi PASTOR adest.*

21.240 III

BIBLIOTHECA
UNIVERSITATIS
JAGELLONICAE
CRACOVENSIS



EMINENTISSIME
E T
CELSISSIME PRINCEPS

Non solus ab Urbe redis, PRINCEPS EMINENTISSIME; integram tecum Romam ducis Comitem. Non satis illa mirata tuam gloriam apud se hospitantem; currit post te pedisequa: ut in Tua Patria diutius Te miretur, cognoscatque, quanta sit Polonia, quae tantos nutriet, tantos attonito spectandos concedat orbi. Vix etenim Celsissimum vultum Tuum salutaverat; non poterat se tenere, quin Tibi egregium faceret Comitatum. Exigebat id tot dotibus dignis Principe, tot meritis aucta sacratio Maestas Tua, ut non modo in admirationem sui excitaret Urbem, Orbis Reginam, verum etiam in una illa, universam

versum post se traheret. Intrat itaque Te cum
Urbs illa Regum, Metropolim Tuam Gneznâ
illustrem, quæ magnificentiâ Tui nominis fa-
cta grandior, cum Te posse capere videtur si-
bi, Romam alteram habere domi se putat.
Involant Romanæ Aquilæ in Polonarum
Nidum Aquilarum, propinquum hic Tibi so-
lem reperturæ, à quo provenit innocens sidus
Tuum. Nec penitebit, opinor, Palatinum,
cæterosq; montes Latii, Gneznensibus asso-
ciari Collibus, nec Tyberim Vartæ affundi;
cuius Tu amnem, verius quàm Remus Romu-
lusq; revertisti: illi parvitatis, Tu prodigio
magnitudinis. Videre ibi erat pompam, ge-
stientium ad Tuum adventum Romanorum:
quanto Comitatu, quâ præibant, quâ seque-
bantur AGNVM Tuum? & ut appareret
clarius, quod gratissimus Urbi Hospes veni-
res: ex Barberini Palatio ordiri passum pla-
cuit. Dulcissimam Tuam præsentiam osten-
dêre gentilitiæ apesillæ: & talem, quâ insa-
tiabilem Tui appetitum posses acuerè orbi in-
tegro. Tantùm proinde ex Te accessit digni-
tatis ALEXANDRO VIII. Pontifici
Ma

Maximo: quantum à tota Sarmatia, cuius
personam magnificè representabas, sperari
posset. Ubi autem adorasti Sacros Cineres
INNOCENTII: quid ibi non sensit Genti-
litius AGNUS Tuus? cui æmulam attribu-
it innocentiam, cui teneritudinem Virtus
Tua. Vestivit sese pullato sirmate, ubi Tu
ex arva Tua Colchide, vel aureum nimbum
pro lacrymis, vel gemmas dares. Vidisti Di-
viniora illa Cælitum araria; Vaticanas aras
es veneratus, magnisque illis Numinibus illa-
tus es. Volebant certe de Tuo spiritu habere
posthumi illi pulveres: cupiebant reviviscere,
Polonium in Te STANISLAUM arbi-
trati. Sed quia Gnezensem Vittam gerebas,
ADALBERTUM, ARCHIPRÆ-
SVL Maxime prætulisti. Aeternitatem
ipsam desponsasti Tibi annulo Piscatoris aut
probabilius Orbem integrum in Coronam tra-
xisti Tuam. Fortunatam Polycratis sphæ-
ram nolim Tuo imponi pollici, quem cerno si-
gnatoriâ gemmâ istâ circumcingi. Pridem
Tu quidem omnium animos cepisti: sed ubi
ad retia naviculamq; Petri perveneras; tot
*
Urbes

Urbes, quot sacri tui splendoris hospitales e-
rant, impulit fortuna Tibi. Sed & agnatum
Angelico nomini Tuo domicilium videre vo-
luisti, scilicet castrum Angeli: Sanctiore illud
elatum fastu Cælum sibi videbatur, ubi ad
seculorum iactantiam, MICHALIS castrum
esse meruit. Debuerant Te fortassis hic ca-
ptivare vota omnium; si non satius fuisset
Tuæ modestiæ, sola Tui desideria reliquisse.
Volebant Te quidem retinere portæ ipsæ; nisi
fortè, apertiore Thebani vatis prodigio, per-
gama Romana Tecum duceres, & Gneznam
transferres. Ita nimirum semper Tibi septi-
collis Urbs debetur, ut nunquam appareas non
Eminentissimus, Primusque Princeps. Præ-
stolatur Te inclinatis culminibus Gnezna
Tua, nunquam felicior, quam ubi Tu illam
tenueris. Huc & Appiam Romanorum! in-
tritam illam Othonis vestigio semitam; ut
Palatinam ubique, ut CARDINALEM
viam habeas. Murice illi instratum iter fuit:
Tibi corda, Tibi pectora occurrentium Civi-
um prona sternuntur. Rediit iam ad se Gne-
zna Te adventante; rediére colles illi, quos
anti-

antiquitas suis Deastris dedicaverat. Septicollis Regia ista (si maioribus fas est credere) totidem quot Roma distincta collibus, pro Iove PETRUM, pro Marte MICHAEM pro Plutone Triadem adorat. Assurgit Tibi & culmen Cereris vel Vittarum ferax vel laurearum, quarum messem LAVRENTIUS colligit Tuis meritis. Quid verò ille Diannæ tumulus? Crucem Tuam præ fronte gerit. Quid gratiosum IOANNIS Apricum? Certè illibato AGNO Tuo pascua fert uberrima gratiarum. Armatur Thaumaturgæ GEORGI hastâ collis Lechi, quâ Tuum & extollat nomen, & tueatur. Faxint Superi, ut Romam in occursum Tuum induamus. Cùm verò in applausum Tuum erectos colles ascenderis; patere Eminentissimis Tuis pedibus, minimam Societatem substerni. Id à Te exorat supplex

Eminentissimæ Celsitudini tuæ

Subiectissimum Collegium Calissense Soc: JESS

Et simul exclamat

V I V A T
MICHAEL RADZIEIOWSKI.

AGNI, quos colimus, Majorum Lumina, Vultus,
Lumina sunt Terris, Fulmina certa stygi.

V I V A T
CARDINALIS EMINENTISSIMUS
Non satis est, medius quòd Avito Sanguine, PRINCEPS
AGNE rubes: Totus ter Trabeate nites.

V I V A T
ARCHIEPISCOPUS GNESNENSIS.
Ver erit Æternum, Sol Archipræfulis ortus
Ariete: quàm vivent Lilia sacra Rosis.

V I V A T
PRIMUS REGNI SENATOR
A fenibus quondam, Magno jam Nomen ab AGNO
Magnum, non solum mite, Senatus habet.

V I V A T
SEDIS AP. LEGATUS NATUS.
Nasceris, Innocui Summique Antistitis, AGNE,
Osque Manusque; sed & Corq; Animusq; places

V I V A T
PRIMAS REGNI & M.D. LITVAN:
Et dare, & accipere, est AGNI, Diademata Nostri:
AGNUM, JOANNES indicat, else DEI.

V I V A T
PRIMUS PRINCEPS.
princeps, ne dubita, est Aries perq; omnia Primus
Nemo prior Soli est nemo priorque Solo.



Vdc Rōmulidūm non cedere Lechē Quirino;
 Et totidem, quot Roma Iugis, invicta videri,
 Æmula Fortunæ Majestatisq; Latinæ,
 Ferrarū dea Gnesna, deæ. Sublime propinquo
 Tolle caput pennasq; Polo: sinè numine Divūm
 Metropoli summissa caput; pars cætera, pennas
 Et volucrem quacunq; pates imitata Tonantis;

Ni surgis Remi scopulo, te major & ipsa

Est, longo depressa situ, quo celsius astris
 Mænia se sociant, & verso Cardine fati,
 Trans veteres Alam sit fas promittere nidos:
 Effultam Trabeis, Sacra circum Tempora Vittis,
 Conspiciamq; Mitris, Regalia dona Galerum,
 Sceptraq; Regali pro Majestate tenentem,
 Te RADZIEIOVIO primam sub Principe nosci

Desine visendis longè lateq; , sepultæ
 Ruderibus Tua Busta queri; vixq; umbra videri
 Illius, Ausoniam Portis quæ claudere molem,
 Et septemgeminos intra sua Pergama montes,
 Necdum plena pati potuit. Quid lumine fesso
 Vestigare juvat spatiosi millia passus,
 Quot iterit iaceatue? soli digitone vel uno
 Vrbs noscenda, Gigas hodie? Sed parce minorem
 Flere; novæq; nimis Temet præferre vetustam.
 Non palmo; metire Tua te sorte: Negabo
 Quæ RADZIEIOVIVM, RADZIEIOVIIq; Triumphos
 Vrbs capit, hanc toto bene dicier Orbe minorem.

Tu modo, quem Lechiæ Capiti, Mundiq; nec infra,
 Ex merito Caput esse Dij voluere secundum:
 Non humilem facili spires in pectora Phæbum
 Annutu: placidoq; immensum lumine calcar

A

Virgeat.

Vrgeat, in laudes pedibusq; alisq; ruentem
Pagafon: atq; Tuis, juga per, per Tempa Trophæis
Reptantem, sine nube vide, vatemq; tuere.

(*Ædes Divi Petri in Colle Iovis*)

Siste Viator

Collis hic vetus:

Verus tumulus est falsi Iovis:

Pro DEO Terminò Petra sanctior: superflare Deastro maluit

Quam concedere.

Lege impressa Deorum cervicibus

Humanis eminentiora Principum Principis vestigia.

Per Tempa Virtutum

Ad templa Dignitatum

Portam aperit

TRIVMPHALEM

PETRVS Claviger ex utroque,

ex utroque Principi

RADZIEIO VIO

AT nōn terrigenā tantū celebrabitur ausū,
Calo nixus Apex, & major Purpura terris:
Estis io! Superi: nec inania nomina, Divūm
Princeps Petre geris: dant, haud invita recludi,
Astra viam; Clavisq; Sacræ reverentia, clausas
Stare vetat Superūm Portas. Quæ fundit ab alto
Cælituum se poste Manus? Cumulandane terris
Gaudia, non humili calor est geminare triumpho,
Atque solum miscere Polo? ne sola, Lec heum

Et La-

Et Latium, geminis complexo Fascibus Orbem;
Plaudat humus, Regumque Pari. Sic grandinat auro
Iuppiter, aut auro nimium pluit ausa vetustas,
Cum peperit, pro Matre, Tonans, cerebroque Mineruam
Edidit: à Cunis, rutilos sinè turbine nimbos,
Eque supercilii, nubem sinè nube, sereno
Effulsisse ferunt: stupuere Atlantides, Vnam
Haud solitis undasse uadis: Notus evolat alæ
Ditior, atque auro mandidus, tam divite gestit
Tempestate frui: gemmat pretiosa notandum,
Grando diem: rupisse obices Gangesque Tagusque
Creditur, & totis Pactolus ludere terris:
Deucalionæas timuisse ut Pyrrha procellas
Vellet, opes nisi mallet Opi, & non invida, terræ
Aurifluos imbres, natæ documenta Mineruæ.

Sedibus è veri, tanta se mole, Tonantis
Effundit pretiosa Cohors; nutumque Potentem
Panè præit, non tarda sequi, quacunque tueri
Tetras, urit Amor, vel tollere Monstra Gigantes:
Principis obsequio Solii certantibus Astris.

Et nutum bona Causa mouet. Prò tempora falsis
Lâtè infessa dijs i Hæc, quæ sub PRINCIPE PRIMO
Gnesna RADZIEIOVII Scepbris Saturnia debet
Sæcula, panè Polus, Tanti quia Numinis Aris,
Suppar ROMA tibi, neque septem Collibus infra;
(Infandum pia GNESNA iubes renouare dolorem)
Occiderat captiva Stygi, tot perdita Monstris,
Quot clivis, visenda; nimis, septemplice, verè
Pressa iugo; malefana, dijs Vectigal, & Orco,
Victima, mancipium, viuens moriensque rependit
Donec Libertas sero respexit inertem,
Tot post damna sagax: præsagaque pectora, Primi
Principis antè viis incumbere cuncta iuberent,
Matureque auferre nefas; quâ, Proxime Summis;
Incessurus eras, trepidi calcator Averni,
Piltinæque Stygis terror, Livonumque verustæ

Religionis honos, Radziejovidumque Coronam,
Non opis hæc mortalis erant: circumspicit alas,
Et quas quærit habet: (Lechi nam Principe nutu
Urbs Aquilæ retinet formas, & Nomina nidum,
Auspiciis Omen, habent) ueris ubi vera Tonantis
Dextra patet Scepbris, & formidata Tyranno
Fræna gerit, vel tela Manus: stat, remige pennam
Ire, nec annosum, tot iam per sæcula, Crimen
Sacrilegæ æternare moram. Satis, Ora, deorum
Quod stetit ante, DEI: gemitu res tota peracta est:
Audiit Omnipotens: placuit pertæsa nefandum
GNESNA iugum: nutuque Pater, quo cuncta gubernat,
Te Duce Petre, Stygis victricem destinat Alam,
Fataque, Tartareo non evitanda Tyranno,
Æternum exilium: quanquam, mala monstra, nec Igni
Interdicta Sacro; neque Lymphis, naufraga Sacris.

Est ubi Cypris erat, Mars, Pluto, Diana, Ceresque,
Cum Ioue, non impune diu mendacia Divum:
Est, hodie septemque iugis, se tollit in Astra
Atque Lechos, Superum deducta Colonia Cælo.

O! nimium dilecte DEO! Tibi militat Acther,
Et coniurati Tanto sub Principe Diui.
Nec vacuum uenit Ara decus, solusve profanum
Petrus habet fanum. Tarpeia præda, Triumphi
Pompejo Marioque Duci, vel parta Camillo,
Sacrilegis suffixa tholis, concedere primas
Cogitur Augustis, quæ, Temet Principe, Diuos
Ornamenta beant. Superum quot nomina Cælis
Sentirent procul esse suis. At Numine plenum
Pectus, & Augusto regnans sub Murice Virtus
Principis, à Gnesna longè vetat Astra uideri.

Invenit, aut Cælum Probitas facit. Agmina quid si
Virtutum Xerxea, tegit dum Purpura, prodit.
Quid? duplex si Clavis, opes Animique virique
Pandit? & inuidiam motam fugis Annule Cæram,
Nec Gazam signando premis? quot sidera, Templum
Augustæ virtutis habet? quæ Purpura Princeps.

Te dignum Tibi sternit iter; nec cedere Chabris;
 Cæsareæ patiensque viæ, quot millia passus,
 Per Trabeæ, summissa, præit, Sacra Tegmina, Gnesnām;
 Hic Consanguineo, colitur Clementia, Regum
 Sanguine; sicca coli; nullâ, nisi cæde nocentum,
 Hic Pietas, & prisca fides, Majoribus Aris,
 Et Cæris sacrata Tuis. Hic, Fortia ferre,
 Atque audere pari, stat Victima & Infula menti.
 Hic miseris reserata Manus: Manus altera Lancem;
 Non Themidis trans iura, levans. Hic Zelus, Amorquē
 (Digna DEO) Patriæ, Regis, Legisque, DEIque,
 Vestali, æternam gaudent non cedere flammam;
 Templaque Virtutum RADZIEIOVIANA triumphant.

(*Ædes Divi Michaelis in Colle Martis*)

Hoc est Sublimi

MICHAEL CALESTIS MARS :

Martem Tartareum.

Pro Lucifero Letiferum egit præcipitem:

& Collem cælum fecit:

VNI ALTISSIMO

ALTERI EMINENTISSIMO

Suppedaneum.

STAT TRIUMPHALE ROBVR

Latè frondescentis excidio Perfidiae Immortale:
 atque Eminentis Cælo, Imminentis Stygi
 FORTITVDINIS EMINENTISSIMÆ TESTIMONIO

Quantum vertice in auras Æthereas

Tantum radice ad Tartara tendit.

Arbor quàm sacrilegè quondam Iovi sacra:

tam Triumphanti pro DEO Sacerrima

MICHAELI.

QVæ prope sublimi Quercus se miscet Olympo?
 Ponderis ipsa sui non immemor? Alta profanos

B

Obtu

Obtutus refugit? Cerni se poscit ab astris?
Urget onus, tollitq; Sacras ad sidera frondes?
Principis agnosco molem, Tua nosco Trophæa.
Signa mihi narrant magnum uictricia nomen;
Noscitur inde tuum, quod Summum est. Maxima, quæque
Humanum excessere modum, tua credimus esse.
Stat validum ridens venientia secula robur,
Multò plura ferens Insignia Sanguinis alti
Quàm folijs vestita viret densissima quercus,
Nobilis hoc usa, ac longè felicior arbor,
Quàm si Dodonæ natales Sylva dedisset.

Longius it Patriæ projectus terror inhostes,
Spargitur in terras, Sacris quàm frondibus umbra
Pila hinc barbaricum pendent stillantia tabum, :
Arma nitent, sculpti radiant in castide vultus
Majorum; melius quos ingeniosior in Te
Effinxit natura Parens: quos pectore toto
Spiras, ac vitâ vitam meliore rependis.
Facta loquuntur Avos, teq; hac descendere stirpe.
Quid numerem Proavos? inscriptaq; Nomina Regum,
Patriæ quot memorat pugnas, partosq; triumphos:
Nunquam se meminit felicem, oblita Tuorum:
Quin statim subeant illustria Nomina mentem.
Vivit adhuc memoriq; Parens in pectore fertur,
Ipsâ de Patria poterat qui morte mereri,
Non poterat Tantus Tantam nisi gignere Prolem,
Et te non decuit tanto nisi Principe nasci.

Nec solum titulis Magnorum insignis Avorum
Laudibus occurris: mutuato stare Sereno
Esse parum ducis, propriam qui spargere lucem
Laudis credis opus: Supremi luminis instar
Majorum titulis, quàm pulchro fœdere jungens,
Atq; Tuos nectens, ceu parva Trophæa, Triumphos.
Sudores quæ penna tuâ de fronte profusos
Colliget? aut tantos poterit revocare labores?
Perpetua Alcides non tam certamina gesit:
Tam fatalis erat nec victrix dextera monstris:

Quam

Quàm sibi Te infensum sensere rebellia vero.
Nomina, quàm fortem propriâ sensere ruinâ.

Ergo Triumphali QVERCVS cumulata Trophæo;
Vincat inoffenso redeuntia Sæcla virore.
At Tibi, (dum Lechici comitatum sole triumphî
Gloria deducet) tangentes sidera palmas
Acclinat, ramiq; vias insternat honore;
Et cupiat major, pedibus submissa, videri.

(Ædes Trinitatis, in Colle Plutonis)

Vive, Triumphæ!
Alumna Regum, Columna Rerum.
IUSTITIA.

DEPRESSA IN ORCVM,
Ab Areopagi, ad Minois tenebras, extorris Astræ:
Luce interdicta, non igne, nec Vmbris:

Io! luce fruitur, tangit Astra.

Iove tertio, hoc est nullo; à Vera, eo quòd.

VNICA IN TRIBVS ÆQVITATE.

Suos ad Rhadamantos Æacosq; retroacto,

TER AVGVSTA THEMIS:

Sanguine & Purpurâ, ad usque Majestatem Regiam

IOANNIS III:

Æquitate affurgens ad usque Divinam,

COLOSSUS est

Tota Divinitate fastigiatus:

Solo altior & Polo: at necdum par

EMINENTISSIMO

ERgo Quirinali se tollat Gloria Cælo;

Augurijs animata novis? dum grandior ævo,
Ante SACRAS, Trabeata Stupet se Roma Curules.

Applausus mirata tuos: O GNESNA secundis
Auspicij dotata? Vides, quod & Axis uterque
Ardescit spectare; tua det stare sub Arcto,
Si quis: At Augustis nimium splendoribus aucta,
Despiceres Orbem, prope par aut digna videri,
Quam, non invito, de poplite, Mundus adoret.

O ut Præsuleis gaudes circumflua pompis,
Atque Palatinos, passu sub PRINCIPE Colles
Tollis? An Aula Tuo Iovis ultro inclinatur honori?
Certè Tarpeij Majestas Numinis, istis
Se septemgeminis, vellet fulcire Cothurnis;
Aut Vaticanos, ad Te transferre Colossos.

Sensit id extorris, veteri de cespite Fani,
Vejovis; & gelido, collum levat aggere, Famæ
Ad lituos auscultat iners. quos vulgat honores?
Cuique struit pompam? Absterfis tum fronte favillis,
In Nova suspensam solvit spectacula linguam:
Hucne & Aventinæ veniunt fastigia Romæ?
Huc Latium? Vrbs orbis? seu orbis venit in Urbem?
Seu Vrbs par Orbi est? Video fulgere Quirini,
Collibus è totidem, cum Majestate Serenum;
Hic Capitolinæ surgunt Sacra culmina rupis,
Numinibus, ditata suis: Hic vertice Thusci
Cælius Astriferum, prope suppar, spectat Olympum.
Ast quibus heu inquit mea Lumina læsa theatris?
Aris, quæ sacros nobis, uiscere juvencos,
VNA TRIAS regnat: jacet & sub pondere Collis;
Elysia Regina plagæ. Sed classica Famæ,
Audiit; atque truci cum murmure Sceptra momordit.

Nec satis est, ô Pluto, Tui quod es exul honoris:
Præsuleo captivus eris; Cervice revincta,
In plausum properabis opus. Decedite campo.
Hic non de Lybicâ fabricabitur arte COLOSSVS
Non quem Maurus habet, seu barbara Memphis. Arenæ,
Este procul? Pretiosa patent æraria Ditis.
Effudit quæcunque tenet, tellusque metalla,

Porphyrj

Porphyrîumq; decens. Currit, ceu gnara trophæi,
Sponteque in extructo, candescit gemma COLOSSO,

Sed meriti, non artis apex, VIRTUTE Magistrâ
Non ab Apellæis, opus instrumenta Palæstris,
Incidet meliore Stilo, sese inclyta Virtus,
Ingenio suffulta suo. Nituntur ovantes,
Ac operæ insistent Laudes: Tu verò Modestos
Avertis vultus, cum Te legis ipse; quod ætas
Sera, animo plaudente leget, seriesque nepotum?
Hic se miratur THEMIS in Te tota: TRIBVNAL
Et Fasces debere suos Tibi, Lance relictâ
In Te spectari felicibus appetit ausis.

Traxisti cælo Astræam, seu Consulis Aulæ,
Seu in Athænæis, Te Patria suspicit umbris:
IVSTITIA est Tibi fida comes: quasi fœdere pacto;
Ingenitos Tecum, probitatis, spirat amores:
Illa Tibi solio, quoties non cecidit? & ipsos
A manibus gavisa Tuis, florescere Fasces,
Fortunamque suam: cum Te coram, ire Secures
Vidit, & emerito, splendescere SCEPTRA Sereno,
Quàm multis hæc dura fuit! Tu solus amorem
Desponsare potes, (Iudex in amore Severus,)
Iustitiæ; Fascesque Tuos increvit in ipsos,
Temperies, blandusque timor: Sic Nate Tonantis,
Cui se pro Solio, posuit Thaumantias Iris,
Concilias cum luce metum, fœdusque, rigorem
Inter, & ingeni Candoris, pectora pangis.

Iam verò ut TECVM bene provida Patria Famæ
Certet, PRÆSVLEAM Regno par Annulus ambit,
Dexteram, & huic fieri pignus, sibi ducit honesto.
Tu prior obsignas animos: Aquilasque Sigilli,
Cereus in certamen agis, promptissimus Æquo.
Os duo iurati comites, Te PRINCIPE, Regum;
Æqui & Iustitiæ! Tyrio ut sub MVRICE lucent!
Atque immortales ineunt, cum PRINCIPE nexus;
Ergo TIBI fabricatus ijt super alta Colossus,

C

Nomina

Nomina qui Tanti, plaudentibus iudicet astris,
Atque secuturo, de mille nepotibus ævo.
Te narret latè septena per ostia Nilus.

Mirari Te discat Eos. Te furda Propontis
Oceano ingeminet, quà se Thetis alta, Carinis
Subtrahit; & refluxo Phæbus jubar abluat amni.

Tu verò Ausonios, nil infra GNESNA Colosfos,
Perge RADIOVIS, fulcire vel Astra TROPHÆIS.

(*Ædes D. Laurentij, in Colle Cereris*)

SVB IVGVM MONTIS H VIUS

Missa religiosius quàm culta

Ceres, Proserpinam, Mater filiam

Tandem prosequi coacta usque ad Generum.

Libertate Lechicâ, triumpho adeo Cælestis magnitudinem
Non Lauris, sed totis LAVRENTIIS metiente.

Ardet hic ille hodieque, & lucet:

proque Pharo

Gratæ Divinorum humanorumq; pectorum incendiariæ
MVNIFICENTIÆ INDICE & ILLICE,

PYRAM continuat TRIVMPHA LEM

PRINCIPI MUNIFICO.

Quæ micat Empyreis non impar flamma colossis?

Augustumq; jubar per inania cæcula spargit?

Purpureâ palmaris apex cui luce coruscat,

Igniferas jaculatus opes? quo stante remittens,

Auratam Phæbus chlamydem propè temnit; & ambit

Ignem novo redimire caput. Quem visa præisse,

Huic collata Rogo, pallescit flamma Bootæ.

Proxima fraterni velut indiga luminis, inde

Panè obscura novos cupijt sibi Cynthia crines.

Certè fidereis est æmulus ille lucernis

Ignis,

Ignis, cūi simili Siculus nec Mulciber ardet :
Cernis ? ut auricomo sinuatur in æthera nifu ?
Æthneosne movet Vulcania turba caminos,
Enceladi tostura caput ? Num veriùs Astris
Victorem inducit Victor LAVRENTIVS ignem ?
Atq; ubi Romuleis illuxit pompa theatris ,
Et montes ardere facit ? Phætonne reluxit ?
Et se præcipiti tumidus malè torruit æstu ?

Indicat ignis opus, facundaq; flamma perorat ,
PRINCIPIS adventûs testis . Dedit Infula lucem :
Dispergit cum sole Sacras CRUX aurea flammæ :
PVRPVREVM nitidis cui fulget Syrma pyropis,
Et zelus vivos ad sydera fuscitat ignes.

Hæc PYRA MVNIFICO flagrat succensa Tyaræ ,
Quam populi geminavit amor, quam vota clientum .

At quid sollicitis autorem inquirimus ausis ;
Tu Tibi Tu PRINCEPS , palmaris es auror honoris .
Tu flammæ spargis Primum inter sydera sydus ,
Numen Purpureum, Romanæ Gemma Coronæ ,
Atq; SERENANTIS propè Sanguinis alta Propago :
Auri flamma jubat ; quod Tu dum spargis in omnes ,
Non animo tantam, Dextrâ quoque diceris Aurum :

O quantos Aræ de Te duxere nitores !
Quot ! quantas ! Bellona faces, & munera debet !
Candet, & argentum radios evibrat . Avari
Este procul Midæ . PRINCEPS meliore beatus
Iure Deum, quidquid tangit ditescere cogit .

Nec se flava Ceres tantis immista triumphis
Subtrahit, auriferos circum succendit Acervos ,
Augusto subnixa Rogo , se crinibus ambit
Auratis , totumque trahit conchylibus Hermum ,
Atque litaturam in flammæ Tibi spargit aristam ;
Et Te per medios ostentat Regibus ignes ,
Munifici DEA victa soli . Te monstrat & astris ,
Exemploque docet, quantum se impendere terræ ?
Quos ? ubi ? Sol radios dispenset ? quomodo mæstas

Porrecto latè recreet pia Luna sereno
Noctes? & gelidam frontem trux temperet Arctos?
Pluraque dent precibus, poterant quam dona rogari;
Ne credant miseri, nimirum vicisse precando:
Pegasea, at quorsum flammis alimenta ministrat;
Icario sinè penna metu? num Pieris unda
Verius extingvit? Taceat Chelys. Ardeat auro
Æthna TRIVMPHALIS; Victi & sinè lumine Phæbi,
Victrix flamma; TVI, pro Vatibus, impleat Orbem.

(Ædes S. Crucis, in Colle Dianæ)

Ita est, PRINCIPVM EMINENTISSIME.

Eminentiaæ Tuæ Magnitudinem
Et Magnitudinis Tuæ Eminentiam

*neque capit Collis unus,
nec satis ostentat.*

QVANTVS SIS?

Cælo Te metire.

Luna sub pedibus Tuis, cùm Diana
His Illa Collibus,

Immo Europæ collis deturbata.

TE PRÆSENTISSIMO AD ARAS,

Viennæ dicam

An Urbis & Orbis Propugnatore

BONI PVBLICI AMATORE;

Stabit dum Terra Polusque,

Tumuloque huic dabit fastigium immortale,

Gemini SERVATORIS TROPHÆVM geminum.

Et CRVCI INVICTISSIMÆ

Orbomanica Inimicorum CRVCIS CHRISTI Arma

Flectet vel franget

In ARCVS TRIVMPHALES.

PIETAS RADZIEIOVII.

Ergo Lacæna Viros, Martis gentemque severi;
Non humili genitam partu jactabit? & alto

Sanguis

Sanguine censebit Natos? Spartæque propago
Magnanimam Patriæ Sobolem se fundere solam
Narrabit, Veterum fastos cantata per omnes?

Quin meliore toro, generoso & pignore Spartam
Sarmatia antevenit, rigidæ natosque Lacænæ.
Huic Fortuna favens, prolem, Mentemque, Gradiui
Factam operum dedit: Heroo sub pectore Martem
Et solidum clausit. Sic Lechia vertice toto
Altiùs assurgat; lætis concentibus æther
Intonet, & magno gementur vota Tonanti!

Est, Duce quo, LECHIAE, mercatus Sanguine laurum.
MARS immortalem, Victor nova signa per Orbem
Explicat: Ebasq; canit quem Fama per Vrbes.
Et PIETAS, TRABEATA hodie: nam VARMA Vittis
Tunc frontem cinxit, sociataq; SAMBIA Mitris
PRÆSVLEVVM PRINCEPSq; Caput. Quo robore Castra
Lechorum valuit, nova Vindex; Dextra tueri,
Armatis precibus ducens ad prælia Divos!

Vidit Othomanidas longè latèq; VIENNA
Turmas, & Geticis horrentia prata sagittis:
Cum Mundo incumbens Oriens, percelleret Austros:
Vnam Christiadis stragem, Regnisq; minatus.

Vidit & ausa Lechi pariter, pariterq; Viennæ
Fata, REI COMMVNIS AMOR Vittatus: & alto
Certa triumphorum ducit suspiria Corde:
Et gemit, & sperat: lachrymis præfagia, lætus
Describit speranda dolor. Quod sæva trophæum
Barbaries Dolopumve Dacumve imponere campis
Tentat? num dubiâ pendet Victoria penna,
Teutoniæ Lechiaq; Viris? minitante procellâ
Sanguineâ, traherent secum quam Cornua Lunæ
Bistonæ, nimium nimbi pluviaeq; potentem:
Si non Serage sui, rubeum pudefecerit Istrum.

Vidit, & Augustum Pietas submissa TIARAM;
Letiferasq; hosti, tendens ad Sidera palmas
Iam jam Victrices, inquit: PATER OPTIME DIVVM

D

Maxime

Maxime terrarum terror! Quibus Austria fatis,
Immo Europa patet? Cujus? qui? Corporis artus
Trejicio stant præda Cani? Patiere? Tyrannis,
Theutonidum captis stet ut imperiosior oris?
Religio prostrata cadat? Num fanda nefandis
Permiscet? vincirq; nefas? Fideine Quirinæ
Excidium, miseram viduabit ciuibus Urbem?
Orbabitq; Sacris Aras, ne divite censu
Ausit vectigal, Regum quis pendere Regi?

Dixerat: & placido tot tantaq; Vota Tonanti
Promissis redimire libet. Flammantur in ausus,
Austriadum Lechiæq; animi. Spes certa triumphos
Iurat: nec dubias laurus, nec vile trophæum
Destinat, Odrysiâ certis perfundare clade
Agmina; & Otomanæ tenebras offundere Lunæ:
Discat ut Imperium, Tanto se SVPPHICE stare;
Occasus Oriensq; pati; Lechiæque Gradivi
Arma, Tiarato palmam concedere uoto:

Nam quis PRÆSVLEI non sensit Numina Voti?
Hoc de Corde, virorum oblitis addidit alas,
Patriæ Amor; vetuitq; metus, ussitque morantes:
Non verbis exempla negans; non sanguine Regum;
Seque litare suo dubitans. Pro pectore, SIGNI
Fulgur: IN HOC VINCEMVVS ait, Crux sola trophæum
Spondet, & est: Hac Stirpe Salus & Vita pependit:
Hac, de præsentis, pendet Victoria Leto.

Nil galeis opus est: nuda & pia tempora, Laurus
Ambiet? è Cælo sunt Regia Tegmina SCVTI;
CVMq; HOC, est, VEL IN HOC, nunquam non vincere, fatū.
Nec mihi VITTATAM, tanto pro sanguine, frontem
Opposuisse dolor: nec AVITVS victima SANGVIS,
Scilicet egelido fugit in præcordia lapsu,
Pro Patria pulchrumque mori: Nisi funere Thracum,
Europæ, Superi mallent concludere, vitâ,
Prælia; Trejiciæ non jam immortalia, Lernæ.

Sic animos, spes, arma, dedit; PIETASq; merentis

Sanguine

Sanguine tam facili TRABEAS, Patremque probavit,
Vicinamque THRONO Stirpem, nec disita longè
Pectora Regali CLYPEO: docuitque TIARIS
Præ ferro debere manum: PIETATEque Martem
Vincere non vinci: Nimio plus, supplice Divis
Pectore Consilioque, geri. Quis vultibus hostem
PRÆSVLEIS cecidisse neget? Quis fulmina frontis
Crediderit potuisse pati? Quid uota? petitis
Imperiosa Polis? Quid tot suspiria? flexo
SUPPLICIS INNOCVI precibus violenta Tonanti?

Sic vincit TRABEATVS AMOR Patriæque; Dcique;
Regisque; : Et PIETAS, socio cum Marte Trophæum
Dividit. AVGVSTOS vident? ut Palmata lacertos
PVRPVRA non ambita premit? mentisque Modestæ
Prensat opes, violentus Honos: Idemque, receptis
Thraca Dies exesse Thronis, & Thrace cruorem
Cogit; & AVSONIO mactat TVA Tempora CINCTV:
Ne Dibaphæ servisse Tuæ, geminasseque tinctus
Purpureos, dubitetur Honos, vel sanguine Bello:
Iamque SENATORIS Proavito Murice Cultus;
Iam, Virtus rerum gaudet quo prima, colore;
Et Confanguineâ prope MAIESTATE rubentem,
Sors totâ coluisse Tyro, Meritissima gestit.

Tanto Fortunæ, cunctos super ire, paratu,
Et Latio, & Lechiæ, PRINCEPS ac PRIME, mereris!
Ne RADZIEIOVIÆ non quæ Fastigia plantæ,
Submittant Apicique apices. Stant pervia CLIVO,
Te spectantque TROPHÆA CRVCIS. Quoque impia Colle,
LVNA stetit ceciditque, Aras mentita DIANÆ:
Hoc, hoc, Trejicij jam non ea LVNA Tyranni,
Victa TRIVMPHALES Tibi non nisi surget in ARCVS.
Aut RADZIEIOVIO si fractas ARÏETE Vires
Fas stare, & stratam tanto sub Nomine, molem
Surgere: stet BESSA æternum Tibi PORTA Trophæum:
OCCIDVique Iubar Solij, MEDIIque iuvamen,
ARCTOIque decus Primum, Te sentiat ORTVS.

(Ædes D. Ioannis in Colle Veneris .)

NON NVMEN,
Labem Numinis & Nominis Cypridem,
cum extergere,
lavando Aethiopem, non posset:
exterminavit:

memoriamque indignissimam,
Leteis benè SACRI LACVS,
Male Sacros ignes extinxit undis,
VICTRIX INNOCENTIA.
Patent itaque PORTÆ AGNO
Inter Florum LILIA Reges,
Reginasque ROSAS,
TRIUMPHATORI Cordium PURPURATO.

Cuius enim
Vel Spartanum pro Muro pectus
non expugnet,
Blandior ille Principum placidissimi Aries CLEMENTIA
Talem ostentat,
Talem suspicit, IOANNES AGNUM:
Et quo in Palestina,
Et quo non surrexit major in Polonia.
En TRIUMPHALEM
è FLORIBUS PORTAM.

quam demum
pro herba Victori porrigit
CELSISSIMVS EMINENTISSIMO
AGNUS AGNO.

SÆcula ferrato, sit jus evolvere, penso
Quæ Parcas nevisse nefas. Non vile laboris
Deposco meritum; Tenero spectare cubili,
Depositum Lucina tuum: cui numine pleno,

Se Fortuna dedit: rudibus, cūi omnia felix,
Quæ sperare licet, sociavit fascia vinclis.

Patritiæ, vel gemma Domus, vel nobile Patris
Omen ades (Lechici sed nunc Pars PRIMA Senatūs:)

Quo nascente, suos effuderat Hybla lepores:

Floraq; non solito variavit murice terras;

Adventum testata VIRI: cui gaudia mille

Cinxerunt Cunas: GENITOR cui Numine plenus,

Veridico sacrum referavit pectore Phæbum:

Nasceris, o! tardæ portus, requiesque senectæ:

O! mihi care puer. Superi, non gaudia malim:

Hic SOLAMEN erit, mastris hic gaudia rebus.

Annuit his cælum, Votis natura iubetur

TE formare parem. Crevit CLEMENTIA formæ;

Vocis honos, morumque decus; vitæque facultas,

Qua vel Regum animos poteras, vel Summa mereri

Munera Pontificum: Populo tam dulcis amari,

Quàm dignus: Cui corde sedet, cui Gratia vultu.

Nunc, quàmvis rutilum disperferit ore serenum,

Circumfusus Honos; Virtutum sole micante,

Et Trabeâ geminante diem; non lumina terres;

Non lacrymis spectande venis: Sed Numen amicum

Semper ades; paterisque Tuo clarescere vulgus,

Lumine; nec blando cedit Clementia Phæbo.

Ergo, Parens Florum si quod disperfit in orbem;

Iam Charites cumulate decus: jam florea surgant,

Serta polo; mites fronti paritura Triumphos.

Hic, ubi lascivo quæ regnat fæda veneno,

Extirpata Venus: titulo meliore tumescit

Collis, & in magnum, se miscet Gratia Nomen:

Hic facer Urbis Amor, Lechici Cognata IOANNIS

Gratia, FLORIGERAS cælo consurgere PORTAS,

Castâ Trophæa, jubet: Virtutis, Maxime PATRVM,

Symbola vera Tuæ: superas qui Principe vultu,

Omne decus florum: cui lâte & sævè rubenti,

Narcissi concedit honos, Violæque nitores.

Vos quoque non humiles, GNESNENSIA LILIA, Cerae
Par summis redimite Caput. Vos PRINCIPIS AGNO,
ALBERTI date ferta ROSÆ. Sic Agne triumphā!
Herbam KARNKOVIVS Tibi pronam porrigit AGNVS.

(Basilica Metropolitana: & Aedes D. Georgij in Colle Lechi, olim
delubrum omnium deorum.)

Infelicem Clivum, & felicem!
quem supra

Superstitiosa Infernalium superum Universitas stetit,
dum Polonia desipuit;

cecidit, cum resipuit.

Haud ferenda illa,
unā omnium deorum moles,

quantum Lechiam attriverit:

Fatetur LECHI nomen,

Ægrè tot fui detrimentis hoc in Colle superstes.

Quidni iam excusso pondere assurgat expeditior?

Et sublimi ferat sidera vertice?

Eminentiam nactus in Primo Principe summis proximam.

En Aureum Fortune cum Libertate reducis Sacrarium.

En pro dispendiosissimo illo tot indignitatum compendio,
Sacrarum tot, facile Optimi Principum Maximiq;

PANTHEON DIGNITATUM

FAllor: an immani, delubri machina, motu
Concutitur? Collisq; tremit, panduntq; recessus
Fundamenta suos? Vis fati conscia, fani
Commovet omne latus: veteri compage teneri
Non paries, non tecta, queunt. Iam culmina nutant,
Iam fluitant idola, brevem testata ruinam
Impulsu trepido. Stetit, & se effundit in unam;
Moles tota struem: nec vili pondere, latè

Ster-

Sternit humum, sonituq; gravis dat signa ruinæ:
Pulveris assurgens extinguit copia solem,
Et cineris documenta novi cinis excitus adfert.
Præcipites vis una deos, ac tecta nefanda,
Egit, & æternos erexit rudera Manes:
Tantillusque cinis Iovis est, & nomina cassa
Numina sunt hodie, nihilum TE PRINCIPE facta:
Scilicet exanimis etiam, sensuq; carentes
Creduntur sensisse dii, Te Numen adesse
Maius: conspectuq; Tui, ceu fulminis ictu
Procubuisse nefas; & adoratura ruinis
Alciden tot monstra novum: Meditantibus annis
Iam laudes tunc stare Tuas; & grandia, magnis
Hoc est, æqua Tuis, si possent, Nomina gestis,
Annosa proferre morâ. Sic tempora famæ
Primorum sudant Caput, longoque dierum
Ordine, præveniunt magnas præconia mentes.

Stat LACVS, & quantâ sis Maiestate, profundo
Vindex metitur Superum, titulosque SACRATI,
Naufragio extinctæ, gaudet non perdere, labis.

O quantum! sed inanè fremunt, fluidoque teneri
Carcere, posse negant, Erebum spirantia saxa:
Detrectantq; pati pænas, quas abditus undis
Quisque, per affinis reddat compendia Letes.
Compedibus luctatur aquæ, similetque gementum,
Iuppiter implorat divos: dent peruia, Nymphæ
Flumina luminibus, vel quidquam se, sibi Fasces
Et titulos debere negent. Iuvat ora tueri,
Ora, Coronatæ toties Oracula Mentis
Digna loqui, Regesq; pari sermone referre:
Quid caput? & Capitis, meliori Numine germen
Pallada? (Laurigeram stupuit Tybrisq; lubensque
Sequana). Quid magnos Augustæ frontis honores?
Certatim quam GNESNA suis, quam VARMA Vittis,
Ac immortalis decorat jam ROMA GALERO.
Magnorum quàm dextra potens & bajula! Scepbris,

Non solis, Aquilæ vel Regni, digna Sigillis:
Armaque, quam metuenda, Cruces, licet aurea, Sacri
Pectoris argumentum ingens! Quæ fulmina? Diti
Non evitandæ, sacratus Scipio dextræ?
Quàm Trabeas, quin Astra pares tenuisse lacerti!
Vincimur, inquit, opem nullam peto, Numina nulla,
Illius pars nulla Iovis. Non amplius ignes
Fulminis, Æteâ natos incude, Tonanti
Quondam fida tuo, nostras dabis Ales in ædes.
Non, ingressurus dubiam bellator arenam,
Ante oculos, Mars magne tuos, sacra consulet exta.
Non sua, fraternam Plutonis ad icona curret,
Thura ferens, tenerosq; Arabum fumabit odores
Nudus opum, sitiensq; Tagi. Non amplius ullas
Frugiferæ Telluris opes, ad sacra colonus
Tecta tibi feret, alma Ceres, nec tempora spicis
Impediet, facietq; super, te crescere fruges.
Non, paries Dictinna tuus post bella leonum,
Vrsorumq; necem, & captos indagine cervos,
Cum pharetris appensa feret venabula circum.
Non famulus, Cytherea tuos, per cæcula currus
Flectet Olor. Fuimus. Steterunt nostræ hactenus Aræ.
Omnia Primus habet Princeps. Iam Purpura, PETRI,
Non IOVIS, est munus. Iam cultor es AGNE IOANNIS,
Non Aries Martis rumpendis mænibus aptus.
Idaliæ ROSA sacra Deæ jam sanguine clarum
Ornat ADALBERTVM. Cererem LAVRENTIVS Aris
Ire iubet, flammæq; movet, ni cedat, & ignes.
Iam MICHAEL, victi tumidus certamine Ditis,
Profligat, frustra torquentem tela, Dianam.
Numina, probra sumus / fufis per opaca querelis
Æterno deflenda Lacu / Succedere nostris
Aspicis heu / nova Tempia jugis? & nixa ruinis
Ruderibusq;, novis assurgere tecta columnis?
Hic ubi concordēs steterant altaribus aræ,
Et Superum domus una fuit, nova Panthea surgunt


Emeritisq; sacra PRIMATIS Honoribus Aedes.
Plura locuturi, vox naufraga faucibus hæsit.

Cerne Triumphales, ter PRINCEPS MAXIME, moles;
Virtutis monumenta Tuæ, Simulacraq; tanto
Plena Deo, Magnisq; graves Insignibus Aras.
Vt! se centenis attollunt ora colossis?
Iam laudes dictura Tuas, ut dicere nolis.
Vt! cælata Tuos assumunt marmora vultus?
Nec vulnus sentire putant, aut sæva Myronis
Scalpra pati; RADZIEIOVIO sub Nomine Frontem
Dum jactare queant. Vt! sese montibus altis
Evoluunt, tenebrasq; pati telluris, & antra,
Sponte metalla negant: ut votis mille fatigant
Praxitelis Phydæq; manum: det vivere, tanti
PRINCIPIS effigie, pretiumq; intendere ab ore.

HIC TIBI Veris opes, & mites spondet Apriles,
Pulcher ADALBERTI, nec tanto tempore languens,
Floris honos. Hic KARNKOVII Tibi militat Agnus,
Atque novos nasci soles miratur, & annos.
Hic MITRAS, VITTASq; vide, Latiiq; Senatûs
Purpureum pendere Decus, vestireq; SVMMVM
Velle Caput. Trabeas & PRIMAS cerne Curules,
ARCHI-q; PRÆSVLEÆ veneranda Insignia Dextræ,
Moreq; Romano, florentem Fascibus Orbem.

Vive ô! Gemma Domûs, MAIESTATISq; Polonæ;
Iam VICE-REGALI Sceptro, jam Sangvinis Alti
Haustâ luce, Secunda Pharos, LVX PRIMA Senatûs
Sarmatici, Latiosq; inter PATER Optime PATRES:
Et VITTÆ GNESNENSIS honos, & PVRPVRA ROMÆ.





Biblioteka Jagiellońska

sldr0023643

